

豆浮水上相游者

又方取阜莢一挺尺二者搥碎苦酒一升煎如飴去滓傅之痛處差

又方馬齒莧搗飲汁一升滓傅瘡上日四五遍則良驗

又方升麻烏髮各二兩水三升煮取一升盡服之滓傅瘡上不差更作姚同更加犀角二兩

云此蟲含沙射人影便病欲渡水先以石投之口邊角弩發矢言口之兩角能屈伸

冬月則蟄

有一長角橫在口前弩檐臨其角端曲如上弩以氣爲矢用

道藏輯要

肘後備急方

矣

盧集十一  
川又川

水勢以射人人中之便不能語餘狀如葛氏所說

治卒中沙虱毒方第六十六

山水間多有沙虱甚細略不可見人入水浴及以水澡浴此蟲在水中著人身及陰天雨行草中亦著人便鑽入皮裏其診法初得之皮上正赤如小豆黍米粟粒以手摩赤上痛如刺三日之後令百節強疼痛寒熱赤上發瘡此蟲漸入至骨則殺人自有山澗浴畢當以布拭身數遍以故帛拭之一度乃傅粉之也

又療沙虱毒方

以大蒜十片著熱灰中温之令熱斷蒜及熱注瘡上盡十片

復以艾灸瘡上七壯則良

又方斑猫二枚熬一枚末服之燒一枚令絕烟末以傅瘡上卽差又以射苜蓿傳之佳

又方生麝香大蒜合搗以羊脂和著小筒子中帶之行今東間水無不有此浴竟中拭燂燂如苳毛針刺熟看見則以竹葉抄挑去之

比見嶺南人初有此者卽以茅葉細細刮去及小傷皮則爲佳仍數塗苦苳菜汁佳

已深者針挑取蟲子正如疥蟲著爪上映光方見行動也若挑得便就上灸三四壯則蟲死病除

道藏輯要

肘後備急方

全

虛集士  
川卷一

若覺猶惛惛見是毒已太深便應依土俗作方術拂出乃用諸湯藥以浴皆一二升出都盡乃止亦依此方并雜治中溪毒及射工法急救七日中宜差不爾則仍有飛蟲在身中噉人心藏便死慎不可輕

治卒服藥過劑煩悶方第六十七

服藥過劑煩悶及中毒多煩悶欲死方

刮東壁土少少以水一二升和飲之良

又方於屋雷下作坎方二尺深三尺以水七升灌坎中以物揚之令沫出取一升飲之未解更作

又方搗藍取汁服數升無藍只洗青絹取汁飲亦得